

Newspaper	Berita Harian
Date	17 June 2015

1MDB jawab dakwaan Dr Mahathir

» **Kenyataan nafi pelbagai isu dibangkitkan dalam blog**

► Kuala Lumpur

Malaysia Development Bhd (1MDB) semalam menafikan pelbagai dakwaan dibuat bekas Perdana Menteri, Tun Dr Mahathir Mohamed dalam blognya yang bertajuk 'The 1MDB Story' (Cerita 1MDB) dan More Investments By 1MDB' (lagi Pelaburan Oleh 1MDB).

Antara lain, isu membabitkan wang Lembaga Pelaburan Terengganu (TIA), pembelian tanah dan usaha sama dengan PetroSaudi, selain RM2 bilion yang dikatakan dipinjam daripada jutawan Ananda Krishnan.

"Tidak berlaku cubaan untuk 'merampas' wang TIA," kata 1MDB dalam satu kenyataan.

Pada tahun 2009, perbincangan diadakan antara Kerajaan Persekutuan dan Kerajaan Negeri Terengganu mengenai sumbangan setiap pihak untuk pembiayaan TIA, dengan pelbagai pilihan dibincangkan, katanya.

Akhirnya, sumbangan Kerajaan Persekutuan membabitkan jaminan terbitan Sukuk RM5 bilion oleh TIA yang dilaksanakan pada 29 Mei 2009, sebelum TIA dijadikan badan milik Kerajaan Persekutuan.

Terengganu tarik diri "Susulan itu, kerajaan negeri Terengganu memutuskan untuk menarik diri daripada TIA, yang

menjurus kepada entiti itu menjadi milik Kerajaan Persekutuan pada Julai 2009," katanya.

Bertentangan dakwaan bahawa tiada kertas Kabinet dibentangkan mengenai terbitan Sukuk itu, 1MDB berkata, kertas Kabinet mengenainya disediakan dan diluluskan oleh Jemaah Menteri, selari dengan amalan standard, sama seperti semua jaminan lain kerajaan.

"Tambah puja, jaminan kerajaan bukannya 'off-budget' (di luar bajet) seperti didakwa. Ia adalah liabiliti yang jelas dan diperakui Kerajaan Persekutuan, yang memegang 100 peratus kepentingan 1MDB," katanya.

Mengenai dakwaan bekas perdana menteri itu bahawa semua orang mengetahui Ananda Krishnan perlu menyediakan RM2 bilion untuk membayar faedah, syarikat pembangunan strategik itu berkata, 1MDB memang meminjam RM2 bilion yang diurus oleh anak syarikat Tanjong PLC, untuk membayar pinjaman RM2 bilion yang disediakan oleh sebuah sindiket peminjam dalam negara.

"Ia tidak digunakan untuk membayar faedah, seperti didakwa Tun Mahathir," katanya.

Bayar balik pinjaman Menurut 1MDB, aturan itu berkaitan dengan pejalijian langgan Powertek Investment Holdings (PIH), anak syarikat Tanjong dengan Taryong bersejuti melanggan ekuiti dalam PIH sehingga RM2 bilion, dengan keuntungan akan digunakan semata-mata untuk PIH bagi membayar balik pinjaman yang diperolehi menerusi kemudahan pinjaman RM5.5 bilion

Jaminan kerajaan bukannya 'off-budget' (di luar bajet) seperti liabiliti yang jelas dan diperakui Kerajaan Persekutuan, yang memegang 100 peratus kepentingan 1MDB"

yang diurus oleh Maybank Investment Bank Bhd dan RHB Investment Bank Bhd.

"Oleh itu, jelas bahawa Tanjong mempunyai obligasi untuk melanggan sehingga RM2 bilion ekuiti dalam PIH, dengan keuntungan akan digunakan untuk membayar balik kemudahan pinjaman," kata 1MDB.

Namun, katanya, disebabkan kerahsiaan, ia tidak dapat menjelaskan lebih lanjut kandungan perjanjian itu yang membabitkan mengapa pihak yang terbahit akhirnya mengubah pelaburan ekuiti RM2 bilion kepada pinjaman RM2 bilion.

Mengenai dakwaan 70 ekar tanah di Jalan Tun Razak yang dijual oleh kerajaan kepada 1MDB pada harga RM320 juta, sedangkan tanah di situ dijual pada RM7.000 sekaki persegi dan 1MDB perlu membayar sekurang-kurangnya RM3.000 hingga RM4.000 sekaki persegi, 1MDB berkata, ia sebenarnya membayarkan RM230 juta, bukan RM320

juta untuk membeli tanah itu. Ia menegaskan 1MDB adalah syarikat 100 peratus milik kerajaan dan oleh itu, sebarang pemindahan tanah kepada 1MDB dan keuntungan daripada peningkatan nilai tanah itu, 100 peratus adalah untuk kerajaan.

"Kos infrastruktur yang dipertanggungjawabkan kepada 1MDB untuk menyiapkan Tun Razak Exchange (TRX) sekurang-kurangnya RM1,500 sekaki persegi. Ini memberi faedah langsung kepada pembeli dan adalah sebahagian daripada harga pembayaran," katanya.

Miliki aset medan minyak Mengenai dakwaan bahawa 'PetroSaudi tidak membayar satu sen pun' dalam usaha sama dengan 1MDB, syarikat itu berkata, PetroSaudi, menerusi anak syarikatnya, memiliki aset membabitkan hak ke atas medan minyak di Turkmenistan dan Argentina, bernilai kira-kira AS\$2.7 bilion (RM10.2 bilion).

Aset-aset ini dijual oleh PetroSaudi kepada anak syarikat yang lain 'Joint Venture Company,' yang pada masa aset dijual, adalah syarikat yang ditubuhkan oleh/dan pada asalnya 100 peratus milik PetroSaudi bagi memenuhi tiyuan melaksanakan cadangan usaha sama dengan 1MDB.

Sebagai pulangan kepada pemindahan aset bernilai AS\$2.7 bilion (RM10.2 bilion), Joint Venture Company perlu membayar sejumlah AS\$700 juta (RM2.625 bilion) kepada PetroSaudi. Hutang ini wujud daripada pemindahan aset dan tidak ada pinjaman dibuat atau 'perlu dilangsai'.

Perjalijian usahasama Pada 29 September 2009, 1MDB melaksanakan perjanjian usaha sama dengan PetroSaudi. Selepas penilaian bebas diselesaikan, 1MDB menyumbang AS\$1 bilion (RM3.75 bilion) dalam bentuk tunai, sebagai pulangan ke atas 40 peratus pemilikannya dalam Joint Venture Company dan PetroSaudi menguasai baki 60 peratus.

"Sumbangan 1MDB adalah dalam bentuk tunai, dengan sumbangan aset PetroSaudi yang dinilai secara bebas berjumlah AS\$2.7 bilion (RM10.2 bilion)," kata 1MDB.

Menurut 1MDB, ia adalah sebahagian daripada perjanjian usaha sama dengan AS\$1 bilion (RM3.75 bilion) daripada 1MDB, AS\$700 juta (RM2.625 bilion) akan digunakan untuk membayar PetroSaudi atas pemindahan aset awal kepada Joint Venture Company, manakala AS\$300 juta (RM1.125 bilion) lagi kekal dalam Joint Venture Company.

Setelah berpuas hati terhadap penilaian bebas itu, mengikut perjanjian usaha sama berkenaan, 1MDB membuat bayaran AS\$700 juta (RM2.625 bilion) kepada anak syarikat PetroSaudi dan memperoleh hak sah ke atas 40 peratus saham Joint Venture Company, sebuah syarikat bebas dengan aset bernilai AS\$2.7 bilion (RM10.2 bilion) pada masa itu.

Katanya, PetroSaudi mempunyai hak penuh ke atas AS\$700 juta (RM2.625 bilion) yang dibayar oleh 1MDB dan dana ini adalah untuk kegunaan PetroSaudi, mengikut budi bicaranya.

BERNAMA